

Uunga siunnersuut: Ilinniarnertuunngorniarfinni ilinniutit, ilinniarnarup ingerlanera, atortussallu allat Namminersorlutik Oqartussanik tapiiffigineqarluni pineqartartut ilinniarnertuunngorniarfinni siunertanut tapersersuisuunersut Naalakkersuisunit misissuiffigineqarnissaannik nalunaarusiorneqarnissaannillu inatsisartunut aalajangiiffigisassatut siunnersuut Nalunaarusiaq kingusinnerpaamik UKA2019-imi saqqummiunneqassaaq siunissamut isigisumik pitsaassutsimik qulakkeerinninissamut innersuussinernik imaqassalluni.

(Siumup Inatsisartunut ilaasortai)

Akissuteqaat

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Aappassaaneerneqarnera

Siullermik Naalakkersuisut siunnersuut pillugu Siumup Inatsisartuni ilaasortaaitai qutsavigeqqissavai.

Kultureqarnermut, Ilinniartitaanermut, Ilisimatusarnermut aamma Ilageeqarnermut Ataatsimiititaliaq siunnersuutip suliarineqarnera aamma isumaliutissiissuteqarnera pillugit Naalakkersuisut qutsavigaat. Naalakkersuisut maluginiarpaat ataatsimiititaliap isumaqatigiilluni Naalakkersuisut allannguutissatut siunnersuutaata akuersissutigineqannginnissaa inassuteqaatigigaa, aalajangiiffigisassatullu siunnersuutip akuerineqarnissaa inassuteqaatigigaa.

Tamanna Naalakkersuisut tusaatissatut tiguaat inassuteqaatigalugulu siunnersuutip akuersissutigineqarnissaa.